

## Transkription von Urkunde HBS 1402a

Ort, Datierung: Halberstadt, 1402-12-13

Signatur: Stadtarchiv Halberstadt, D 6

---

Wie Ratmanne Inny(n)gismeste(re) vnde Būrmeste(re) der Stad to Halbi(r)stad Bekenne(n) in dissem  
opene(n) breue vnde don / witlik alle den de dissē bref seen horen edir lesen , dat we redeliken vnde  
rechtliken hebb(e)n vorkoft eyne / lodighe m(a)rk Ingheldes jarliker gūlde halb(i)r(stedescher)  
weringhe vor teyn lodige m(a)rk der selue(n) weringhe de vns fūl / vnde al wol betalet sint vnde we in  
vnsir stad nvt vnde vrome(n) gekart hebb(i)n Dem vromen manne / Hinrike von halle vnde ylsen siner  
eliken husfrouwen to orir beider lyue . de benante(n) m(a)rk tinses schulle / we vnde willen one alle  
jarlikes reiken vnde gheue(n) von vns(e)me Rathuse vppe sente Nicolaus dag(e) de / wile dat se beide  
leue(n) wan ok orir eyn afegheit von dodes wegghen so schulle we vnde willen deme / ande(re)n de  
denne noch leue(n)dich blift de benante(n) m(a)rk tinses volgen laten ok sine leuedage auer / nach orir  
beider dode so valt de benante(n) gulde vnsir stad weddir leddich vnde los ane weddirsprake / eyns  
jowelken Dat dit von vns vnde vnsen nakomelinghen stede ghantz vnde vnuorbroken gehalden / werde  
Des to eyne(r) orkunde vnde bekanntnisse so hebbe we one dissē bref dar vp gheue(n) besegilt / mit  
vns(i)me openbaren Ingesegele angehengit Nach goddisbort veirteynhundirt Jar dar na / in dem  
ande(re)n jare des midwekens an sente lucien dage der heiligen Ju(n)cvrouwen .